

MANCHA

Bros well done, my name na Mancha, I dey represent Qudu TV. Abeg e get some questions wey we won ask you concerning Nigeria

MANCHO

Ok no wahala

MANCHA

First of all, wetin be your name? And which work you dey do?

MANCHO

My name na Mancho, I be electrician we dey repair motor

MANCHA

Alright, you vote for this last election?

MANCHO

Yes oh i be obedient, Eluu P 75!

MANCHA

Alright, you hear of the judgment wey tribunal give concerning the election

MANCHO

Yes oh my brother, dem don use wayo scatter this country. Dem for no even bother do the yeye thing we dem do wey everybody know say dem go give Tinubu victory

MANCHA

Hmmm, no be lie. But you hear say some people be won protest?

MANCHO

Protest? Which protest? Make dem for use police and army kill us troway?

MANCHA

Shebi you just talk say you vote? Before you comot for house you no know say APC go send area boys make dem con cause trouble for polling units?

MANCHO

Yes but we risk am based on say we believe say our vote go count but them still play us wayo. Me i never ready to die oh, i never blow. E nor get wetin we won do again my brother, na to just go enter HK now oh

MANCHA

No wahala, but if more & more people start to dey do yahoo i fit assure you say FBI go enter Lagos start to dey pick boys one by one? I nor talk EFCC becos those one na money dem dey find.

MANCHO

Me go don blow by then now.

MANCHA

Hushpuppi never blow wey dem still jail am? That babe wey collect 2 million dollars, FBI no find am go ghana? If yahoo boys start to dey gather dey thief billions na Tinubu go even help them to dey fish una out. No forget say US get him criminal records so dem go fit control am.

MANCHO

Hmmmm nor be lie, I never think go that side

MANCHA

No wahala, you hear say UNILAG sch fees don jump from 25k to 200k

MANCHO

Ahh na wa ohh, if people nor fit go school wetin dem won con do? Omo men go start to rob people for broad daylight

MANCHA

Yes na! Na him make I first ask you about the protest wey no happen. Just imagine, Tinubu never spend reach 6 months and hot iron don dey everybody yansh, wetin you think say go happen in 4 years?

MANCHO

Omo e go bad ohh, you sure say military no go just take over? Or make I just go join all those ashewo for time out dey do hookup? I hear say some mama we dey find boys dey enter that place now

MANCHA

(Laughs) That one na him even worse! If you check all the African countries wey military don take over, na still dem dem dey run am. The one wey happen for Niger, the military leader na the president former chief bodyguard.

MANCHO

Ahhh this country don cast oh! Na just to dey push am dey go small small sha, na only God go fit help us

MANCHA

My brother heaven helps those who help themselves!